



**Uunga:** Nassiussivigineqartut allattorsimaffiat naapertorlugu  
tusarniaavigineqartartunut

## **Siunnersuummik tusarniaaneq: Naartunermut, erninnermut meeravissiarternermullu atatillugu sulinnigiffeqartarnissaq pillugu Inatsisartut inatsisissaattut nr. xx, xx. xxx 2019-imeersumut siunnersuut**

Isumaginninnermut Inatsisinillu Atuutsitsinnermut Naalakkersuisoqarfiup matumuuna: Naartunermut, erninnermut meeravissiarternermullu atatillugu sulinnigiffeqartarnissaq pillugu Inatsisartut inatsisissaattut nr. xx, xx. xxx 2019-imeersumut siunnersuuttip pisortatigooortumik tusarniutigineqarnissaanut nassiuppaa.

### **Tunuliaqut**

Namminersorlutik inuussutissarsiuteqartunut meerartaarnermut atatillugu aningaasaateqarfimmik pilersitsinissaq kiisalu pisortani sulisunut meerartaarnermut atatillugu sulinnigiffeqartarnermut tunngatillugu naligiisitsilluni aaqqissuussinissaq siunnersuummi siunertarineqarput.

Naartunermut, meerartaarnermut meeravissiarternermullu atatillugu sulinnigiffeqarnermut tunngatillugu malittarisassat atuuttut iluarsaaneqarlutillu nutarterneqarnissaat aammattaaq siunnersuummi siunertarineqarput, tassunga ilanngullugu meerartaarnermut atatillugu angajoqqaat sulinnigiffeqartarnerisa sivitsorneqarnissaat pillugu Inatsisartut aalajangiinerannik UKA2018/106-imi saqqummiunneqartumik atulersitsineq.

Maannakkut inatsisitigut toqqammavigisamut sanilliullugu allannguinerit pingaarnerpaat ukuupput:

- Namminersorlutik inuussutissarsiuteqartunut meerartaarnermut atatillugu aningaasaateqarfimmik pilersitsinissaq kiisalu pisortani sulisunut meerartaarnermut atatillugu sulinnigiffeqartarnermut tunngatillugu naligiisitsinnermik aaqqissuussineq, taakkulu sulinnigiffeqarnerup nalaani sulisitsisut akissarsianut aningaasartuutaannut naligiisitsisuupput.
- Akissarsiortut sulinnigiffeqarnerup nalaani akissarsiaqarsinnaatitaallissapput.
- Angajoqqaat sulinnigiffeqartarnerat sapaatit akunnerinik sisamanik sivitsorneqassaaq, tamannalu eqaatsumik aaqqissuunneqarsinnaassalluni.
- Arnat angerlarsimaffigisami avataanut erniartornissaminnut innersuunneqarsimasut sulinnigiffeqarsinnaatitaanerannik atulersitsineq.
- Sulinnigiffeqarnerup nalaani meeqqamik annaasaqarnermi angajoqqaanut sulinnigiffeqarsinnaatitaannginnermik atulersitsineq.
- Angajoqqaat assigiimmik suaassusillit inatsisitigut inissisimanerisa pitsanngoriaateqarnerat.

10-04-2019  
Suliap nr. 2017 - 2876  
Akt. id. 10212748

Postboks 260  
3900 Nuuk  
Oqarasuaat (+299) 34 50 00  
Naqitanik nassitsigasuaat  
(+299) 34 66 66  
E-mail: [lian@nanog.gl](mailto:lian@nanog.gl)  
[www.naalakkersuisut.gl](http://www.naalakkersuisut.gl)

- Tapertatut pisortanit ikiorsiissutinik pisinnaatitaanermik atulersitsinikkut kiisalu meerartaarnermut atatillugu ullormusianik naatsorsuisarnermut periutsip allanngortinneratigut ilaqutariit isertitakitsut aningaasaqarnikkut pitsanngorsaavigineqassapput, taamaalillutik piffissat sulingiffiusimasut naatsorsuinermi ilanngunneqartassanatik.
- Meerartaarnermut atatillugu sulingiffeqarnermi meeqqap ilagineqartarnissaanik piumasaqaat.

### **Tusarniaaneq pillugu**

Siunnersuummut nassiunneqartumut oqaaseqaataasinnaasut Isumaginninnermut Inatsisinillu Atuutsitsinermit Naalackersuisoqarfimmi kingusinnerpaamik **ulloq 15. Maj 2019** tiguneqareernissaat qinnutigineqarpoq.

Tusarniaanermut akissutit uunga nassiunneqassapput Isumaginninnermut Inatsisinillu Atuutsitsinermit Naalackersuisoqarfik mailikkut uunga iian@nanoq.gl imaluunniit allakkatigut uunga Isumaginninnermut Inatsisinillu Atuutsitsinermit Naalackersuisoqarfik, Postboks 260, 3900 Nuuk

### **Allagaatit attuumassuteqartut**

Tusarniaanermut allagaatit attuumassuteqartut ilanngussatut ilanngunneqarput tak. ilanngussanut takussutissiaq.

### **Ilanngussat:**

1. Siunnersuut uunga: Naartunermut, erninnermut meeravissiarthaarnermullu atatillugu sulingiffeqartarnissaq pillugu Inatsisartut inatsisissaattut nr. xx, xx. xxx 2019-imeersumut
2. Siunnersuummut oqaaseqaatit
3. Nassiussivigineqartut allattorsimaffiat

Inussiarnersumik inuulluaqqusillunga

Isumaginninnermut Inatsisinillu Atuutsitsinermit Naalackersuisoqarfik